

“Gai Ndwensam” Bwzcuz:

Baijyienj Vwnzva Minzcuz Daegbied Gag Miz

展示独特民族文化的白族“三月街”

□Lij Dabwz ingj Siobyungz boiz



▲ “Gai ndwensam” Bwzcuz caen nauhyied, maxbuet doxdax dem angqyangz.

◀ Baihneix gaicawx nyaengq, baihaenx go foux nauh.

▲ “Gai ndwensam” caen hoengh, beixnuengx caenx ganjhaw.



▲ Ngoenzciet nauhyied raeuh, vunzraeuz cungj bae comz.



▲ Yozgi ndawbiengz sing hap rwenz, dingq le mbouj dwen yaek maranz.

“Gai ndwensam” dwg ngoenzciet conzdungj beixnuengx Bwzcuz, caemh dwg aen hawhoengh doxgaiq ndawbiengz doxvuenh gaicawx caeuq vwnzyiz hozdung conzdungj Bwzcuz, moix bi liggaeuq ndwensam cibngux – ngeihcib it youq baihsae singzgeq Dalij hoengh banh, ciuq ndaw sawgeq geiq naeuz gaenq miz it cien lai bi lizsij. Ngoenz haenx, gwnzgai vunz cien vunz fanh, bouseng’eiq caenx dwk daetfwdfwd, gak cungj gak yiengh doxgaiq baij dwk deihaendaen. Cawz miz doxgaiq doxvuenh gaicawx le, lij miz yienj go foux minzcuz, dijuuz doxdax daengj hozdung dem, nauhyied hoenghwd.

“Gai ndwensam” nyuenz dwg hawmih fuzgyau, cujyau hozdung dwg gangj ging baiq baed. Aenvih Dalij daj ciuhgeq gvaqdaeuq couhdwg gizdieg cungsime doxgaiq doxvuenh gaicawx, comzsanq ndeu, riengzdwk dieg Bwzcuz ginghci fazcanj, “gai ndwensam” daj baiq baed hozdung bienqbaenz le aen hawhoengh doxgaiq doxvuenh gaicawx caeuq vunzlai vwnzyiz hozdung. Ngoenz haenx, cawz miz vunz dangdieg ganjhaw le,

bouseng’eiq gyawjgyae cungj daj seiq fueng bet baih daeuq guh gaicawx, ywdoj, gijgwn, gyasei, doenghduz daengj yienghyiengh miz caez. Baihneix guh gaicawx nyaengqny, baihaenx go foux minzcuz daegsaek daegbied caeuq gwihmax doxdax, bi buengqyed, dwk gyangq, nyingz naq daengj minzcuz dijuuz yindung hanghmoeg caemh nauh dwk hoenghwd. Daj hawciengz daengz daizheiq, daj gakdoh caeuq mbiengjhenz mbouj doengz de fanjyingj le singzgeq Dalij gak minzcuz sevei lizsij vwnzva caeuq cunghyau fungsug nem gij dwzcwngh ranghdieg swngchcanj swngghoz de, gyoebbaenz le gij gingjyauj vwnzva lai yiengh beixnuengx minzcuz ranghdieg neix.



▲ Gwnzgai doxgaiq lai, vunzlai nyaengq gaicawx.



▲ Ciengzmienh doiq fwen caen nauhyied, mwngz cam gou dap mbouj galdingz.



▲ Saulengj Bwzcuz caez diuq foux, angq coux gyoengq hek daeuq daengz ranz.



▲ Yienj go foux minzcuz, vunz doq yawj doq angq.



▲ Henz dah mbauq sau angq doiq fwen, sing sep rwenz gvaq bya caeuq dah.



▲ Saulengj Bwzcuz naengh henz gai, dajsiuq diuzsai soengq daegmbauq.



▲ Yienj keiq minzsuz vunz haengigyaez, haeyjinx simmaez anga kaenhdana.